

Date : 7 September 2017
Title : Jaga solat, makan kismis resipi kejayaan Nur Syahirah
Publication : Berita Harian
Page : V10

V10

VARSITI

BERITA

bhvarsiti@bh.com.my

KHAMIS, 7 September 2017 BIL 397 BH

Berita kampus

Jaga solat, makan kismis resipi kejayaan Nur Syahirah



Nur Syahirah Zamri

[FOTO: MOHD FADLI HAMZAH/BH]

Fakta nombor

Majlis AIG
2017 UNITEN

67 ANUGERAH
disampaikan

32 SYARIKAT
taja anugerah

Oleh Meor Ahmad
Nasrin Rizal Ishak
meor.ahmad@bh.com.my

Putrajaya

Tidak mengabaikan solat, sentiasa mengaji al-Quran dan mengamalkan makan kismis sejak berusia tiga tahun ialah antara resipi kejayaan graduan Universiti Tenaga Nasional (UNITEN), Nur Syahirah Zamri, 22.

Beliau yang menamatkan pengajian Ijazah Sarjana Muda Pentadbiran Perniagaan (Kepujian) Pengurusan Sumber Manusia, meraih Anugerah Terbaik Keseluruhan pada Majlis Anugerah Kecemerlangan Industri Graduan (AIG) 2017 UNITEN

di sini, baru-baru ini.

Anak sulung daripada empat adik-beradik dengan pencapaian purata nilai gred kumulatif (PNGK) 3.96 itu turut menerima Anugerah Kecemerlangan Pelajar Terbaik dan Anugerah Canselor pada program sama yang diadakan sempena Majlis Konvokesyen Ke-20 UNITEN.

Aktif kokurikulum

"Sejak berusia tiga tahun lagi, ibu melatih saya mengamalkan makan kismis setiap hari kerana boleh membantu menguatkan daya ingatan dalam pembelajaran mahupun tugas."

"Walaupun sibuk dengan kuliah dan tugas diberikan pensyarah, saya juga tidak mengabaikan solat serta membaca al-Quran

sebagai panduan dalam kehidupan," katanya.

Majlis dirasmikan Pengerusi Tenaga Nasional Berhad yang juga Pro-Canselor UNITEN, Tan Sri Leo Moggie itu menyaksikan 59 graduan UNITEN pada peringkat pascasiswazah, ijazah sarjana muda dan diploma menerima anugerah kecemerlangan.

Selain kecemerlangan akademik, Nur Syahirah berkata, pembabitin seimbang dalam aktiviti kokurikulum turut menyumbang ke arah kejayaannya itu.

"Saya kerap menyertai pelbagai aktiviti di dalam dan luar kampus bagi mengasah bakat sedia ada serta menimba pengalaman yang boleh dimanfaatkan kelak," katanya.



Nur Syahirah berkongsi kegembiraan dengan bapanya, Zamri Abu Samah, selepas menerima anugerah pada Majlis AIG 2017.

Penerima
anugerah ceria
meraihan
kejayaan
mereka
pada Majlis
AIG 2017
UNITEN.

